



Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i inicijative sa 6. sjednice Općinskog vijeća Ilijaš
održane dana 27.05.2021.godine**

Ilijaš: Juni 2021.godine



MEHMED SINANOVIĆ - vijećnik SDA

Pitanje: "Upućujem pitanje rukovodstvu i nadležnim službama KJKP "Rad" d.o.o. koji, su razlozi neadekvatnog održavanja čistoće, preciznije blagovremenog odvoženja otpada na području općine Ilijaš? Obrazloženje: Tokom, i neposredno nakon muslimanskog praznika, Ramazanskog bajrama, ne mali broj pritužbi građana općine Ilijaš pristigao je predstavnicima lokalnih organa vlasti i predsjednicima Savjeta mjesnih zajednica, zbog ni malo prikladnog, nezapamćenog nečistog ambijenta".

Odgovor: Vijećničko pitanje je dostavljeno KJKP "Rad" d.o.o. Sarajevo i do slanja materijala nije pristigao odgovor.

AMINA RAMIĆ - vijećnica NIP

Pitanje 1: "Po kojem Ugovoru se vrši izvođenje radova na putu u selu Moševići? Od mještana sela Moševići postavljeno je pitanje po kojem Ugovoru se vrši izvođenje radova na putu prema starom selu Moševići. Naime, u proteklim godinama, u više navrata, obraćali su se općini Ilijaš sa zahtjevom za pomoć u vidu kanalisa za odvodnju oborinskih voda. U kišnom periodu sve oborinske vode sa Poloma teku ionako lošim makadamskim putem, a koji svi mještani koriste, jer se imanja uglavnom nalaze u gornjem dijelu sela. Održan je i zbor građana na kojem su doneseni zaključci da se prioritarno riješi odvodnja. Zanima ih da li je pomenuti Zapisnik uopće dostavljen nadležnima na postupanje? A ako jeste, kako se moglo desiti da se radovi izvode protivno željama mještana, a kako se navodi, na volju pojedinaca".

Odgovor: Radovi u selu Moševići izvode se po dva Ugovora. Prvi Ugovor sklopljen je sa Firmom "Halilović" d.o.o Ilijaš i podrazumijevao je sanaciju puta prema Starom selu sa rješavanjem odvodnje oborinskih voda postavljanjem kanalisa. Svi radovi usaglašeni su obilaskom terena sa predsjednikom Savjeta Mjesne zajednice i predstavnicima građana. Vrijednost ugovorenih radova je 14.900,00 KM. Realizacija ovog Ugovora je osporena od pojedinih mještana jer su izneseni novi zahtjevi za realizaciju potpisanog Ugovora. Drugi Ugovor realizacije radova na izgradnji dijela nove trase potpisan je sa firmom "Niskogradnja Durmić" d.o.o Ilijaš u visini od 4.111,26 KM.

Pitanje 2: "Molim da mi se dostavi kopija dokumentacije - projektnog zadatka po kojem su izvršeni radovi na probijanju nove trase puta u selu Moševići. Prethodno tražim na zahtjev dijela mještana sela Moševići. Ukoliko za izvedene radove na probijanju nove trase puta postoji projektna dokumentacija, tražim da mi se ista dostavi i to posebno dio koji se odnosi na elaborat uticaja na okoliš. Posebno ako znamo da je općina Ilijaš u ranijim godinama izvršila sanaciju klizišta u selu Moševići i uložila ne mala sredstva, a sada vrši radove koji direktno ugrožavaju već sanirano klizište i otvara mogućnost za nastajanje novog. Za one koji nisu upućeni, napominjem da se radi o vrlo poznatom i vrlo strmom terenu gdje svaki veći građevinski zahtjev, zahtijeva izradu elaborata uticaja na okoliš. Također, napominjem da se u podnožju pomenutog područja nalaze i imanja mještana koji su bili jedni od prvih povratnika na gornjem dijelu općine Ilijaš".

Odgovor: KJP "Sarajevo-šume" d.o.o. Sarajevo su vršile sječu stabala i trasiranje puta. Služba ne posjeduje projekat sječe stabala i izgradnje nove trase puta, niti je konsultovana po tom pitanju. Dostavljen je samo Zapisnik sa sastanka građana naselja Moševići i Molba za uklanjanje devet stabala, koji Vam dostavljamo u prilogu.

Pitanje 3: "Molim nadležnu općinsku Službu da mi dostavi kopiju Rješenja o rušenju nelegalno izgrađenih objekata na području općine Ilijaš u periodu 2019/20. Koliko ukupno rješenja takve vrste postoji, te da li su izvršena rušenja pomenutih objekata".

Odgovor: Shodno članu 25. Zakona o inspekcijama Kantona Sarajevo ("Sl. novine Kantona Sarajevo", br. 2/17) - Čuvanje službene i druge tajne – (1) Inspektor je dužan čuvati službenu i svaku drugu tajnu sa kojom se upozna u vršenju inspeksijskog nadzora. (2) Inspektor je dužan čuvati tajnost prijave i druge informacije koje se tiču inspeksijskog nadzora što uključuje i dokumentaciju, dokaze i podatke utvrđene ili nastale u

inspeksijskom nadzoru. Poštujući ove zakonske odredbe nismo Vam u mogućnosti dostaviti traženo.

ALEMA DŽAFO - vijećnica NIP

Inicijativa: "Pokrećem inicijativu za asfaltiranje makadamskog puta na dionici Lješevu-Odžak u dužini od 250 m, s obzirom da na ovoj relaciji trenutno se nalazi 7 (sedam) novoizgrađenih kuća, te im makadamski put otežava prilaz".

Odgovor: Operativnim planom su definisani putni pravci u MZ Lješevu koji će se asfaltirati u 2021.godinu. Pomenuti putni pravac nije planiran za asfaltiranje u 2021.godini.

ANELA SUBAŠIĆ - vijećnica SDP

Inicijativa: "Upućujem inicijativu za postavljanje stubova javne rasvjete u naselju Gornja Luka na dionici puta Gornja Luka - Ribarići. Obrazloženje: U ime stanovnika Gornja Luka iniciram postavljanje stubova rasvjete na dionici 500 m javnog puta. Naime, rasvjeta postoji do podvožnjaka od auto-puta i nastavlja do naselja Ribarići, ali put koji vodi od podvožnjaka prema domaćinstvima u Gornjoj Luci do porodične kuće Šečića ne posjeduju uličnu rasvjetu. Realizacijom ove inicijative olakšali bi smo život građanima koji tu žive, ali i doprinijeli očuvanju sigurnosti svih stanovnika".

Odgovor: U ovoj godini planiranom raspodjelom za nadogradnju, proširenje i izgradnju javne rasvjete na području Općine Ilijaš, predviđeno je proširenje javne rasvjete u MZ Luka sa ukupno 6 (šest) rasvjetnih tjela, od kojih su na predmetnom lokalitetu planirana 3 (tri) rasvjetna, tjela koji su prestavnici savjeta MZ kandidovali kao prioriteta. U fazi je priprema tenderske dokumentacije za izgradnju javne rasvjete u općini Ilijaš po MZ-ma

ANEL BUMBULOVIĆ - vijećnik SDA

Pitanje: "U kojoj fazi realizacije se nalazi inicijativa za sanaciju stubova javne rasvjete u ul.Žrtava genocida u Srebrenici? Obrazloženje: U prethodnom periodu, u dva navrata sam pokretao gore navedenu inicijativu za sanaciju gore navedenih stubova, ali do realizacije istih nije došlo, te isti stoje u neadekvatnom položaju i postoji opravdana prijetnja da isti padnu na saobraćajnicu i pješačku stazu. Ono što se može primjetiti jeste da se na navedenim stubovima nalazi više različitih instalacija (4-5) koje prekomjerno opterećuju iste. U sklopu odgovora na ovo pitanje, želio bih da mi se dostave kopije odgovarajućih dozvola za postavljanje instalacija na pomenutim stubovima kao i mišljenje da li navedeni stubovi mogu podnijeti opterećenje već postavljenih instalacija".

Odgovor: Dana 19.05.2021.godine od strane Službe za saobraćaj, stambeno-komunalne poslove i građenje ponovo upućen zahtjev putem mail-a nadležnom Kantonalnom Ministarstvu komunalne privrede, infrastrukture, prostornog uređenja, građenja i zaštitu okoliša, za sanaciju gore navedenih rasvjetnih stubova od kojih smo dobili informaciju i uvjerenje da se radi na rješavanju navedenog problema. Što se tiče dozvole za postojeće instalacije NN elektro mreže i mreže Telemah operatera treba napomenuti da postoji potpisan ugovor između nadležnog Kantonalnog Ministarstva komunalne privrede, infrastrukture, prostornog uređenja, građenja i zaštite okoliša koje je i nadležno za javnu rasvjetu sa Elektroprivredom BiH - Elektrodistribucije Sarajevo o uzajamnom korištenju trase mreže i stubih nosača kao i potpisan ugovor sa Telemah operaterom koji za taj vid usluge plaća i određenu naknadu koja se djelom i refundira za proširenje mreže javne rasvjete prema Općinama Kantona.

Pitanje: "Šta je poduzeto povodom moje inicijative sa martovske sjednice OV-a, a koja se odnosi na saniranje divljih deponija i poduzimanje mjera kako bi se spriječilo ne adekvatno odlaganje otpada ispod auto-puta u naseljima Kadarići i Podlugovi".

Odgovor: Do sada po ovoj inicijativi nisu poduzete radnje na uklanjanju deponija, ali će iste biti sanirane do kraja ovog mjeseca.

VERNESA BEŠLIJA – vijećnica NIP

Pitanje: "U izvještaju o radu Pravobranilaštva KS u zastupanju Općine Ilijaš za 2020. godinu naveli ste da su bila dva predmeta koja se odnose na otkup stanova – stambeni ugovori. Molim Vas da mi dostavite s kim su zaključeni navedeni Ugovori".

Odgovor: U 2020. godini Služba za saobraćaj, stambeno-komunalne poslove i građenje Općine Ilijaš tražila je od Pravobranilaštva KS, kao zakonskog zastupnika Općine Ilijaš saglasnost na zaključenje Ugovora o kupoprodaji stana na kojem postoji stanarsko pravo i to za stan u ulici Ivana Franje Jukića br. 38, čiji nosilac stanarskog prava je gospođa Klemenčić Slavica kojoj je Rješenjem Uprave za stambena pitanja Kantona Sarajevo, broj: 23-04/V-23-62/02 od 05.09.2018. godine utvrđen status nosioca stanarskog prava iza pokojnog supruga Klemenčić Obrada. Shodno Zakonu o prodaji stanova na kojem postoji stanarsko pravo proceduru otkupa stana provodi Općinski organ na čijoj teritoriji se stan nalazi, te je sa imenovanom zaključen i notarski obrađen Ugovor o kupoprodaji stana na kojem postoji stanarsko pravo. Drugi Ugovor se odnosio na saglasnost za stan u ulici Bosanski put br. 83, čiji nosilac stanarskog prava je gospođa Pašić Edina (status nosioca stanarskog prava utvrđen Presudom Općinskog suda u Sarajevo), te zbog proceduralnih nedostataka otkup ovog stana još uvijek nije okončan.

ADNAN ABADŽIJA - vijećnik NIP-a

Pitanje 1: "Koji planirani i inicirani projekti u oblasti građevinarstva su realizovani i u kojem procentu u dosadašnjem dijelu 2021. godine na osnovu Operativnog plana Načelnika za 2021. godinu".

Odgovor: U toku su aktivnosti na realizaciji Operativnog plana i informacije o njegovoj tekućoj realizaciji sadržane su u kvartalnim informacijama o izvršenju Budžeta.

Pitanje 2: "Koji su građevinski projekti, trenutno u fazi implementacije i trebaju biti realizovani do kraja II kvartala 2021. godine na osnovu Operativnog plana načelnika za 2021. godinu".

Odgovor: Do sada su završeni projekti: putevi u MZ Kamenica i MZ Misoča, put u Solakovićima i put kroz naselje Vlaškovo, izuzev puta kroz naselje Srednje. Poduzete su aktivnosti kako bi se i ovaj projekat realizirao u što kraćem roku.

Inicijativa: "Pokrećem inicijativu za hitnu sanaciju oštećenih dijelova na kolovozu, dionica puta Gajevi-Dragoradi na par krivina gdje autobusi otežano saobraćaju, a prevoze učenike od Dragorada do Srednjeg i obrnuto. Također da se izvrši nasipanje bankina iste dionice da ne bi dolazilo do daljnjeg oštećenja asfalta (lomljenja krajeva kolovoza). Obrazloženje: Dionica kolovoza je atmosferskim uticajima oštećenjem mehanizacije i motornim prevoznim sredstvima doveden u loše stanje, te kako ne bi došlo do daljnjeg oštećenja asfalta i isti bi bio dugovječniji, potrebno je izvršiti sanaciju. Ujedno bi se proširila kolovozna traka i krivine, te olakšalo mimoilaženje vozila na istoj dionici koji su svakako nepregledni na većini dionica".

Odgovor: Inicijativa će biti tretirana u toku redovnog održavanja puteva.

KENAN BUZA - vijećnik NIP

Inicijativa 1: "Pokrećem ponovo inicijativu da se postavi saobraćajno ogledalo na dionici puta od Šipadovih zgrada do Gradskog stadiona u Ilijašu. Lokalitet se može vidjeti na slici koju dostavljam u prilogu".

Odgovor: Saobraćajna signalizacija i oprema će biti tretirana u toku redovnog održavanja puteva.

Inicijativa 2: "Pokrećem inicijativu da se postavi saobraćajni usporivač-ležeći policajac na putu između A1 zgrade i džamije u Ilijašu. Tom dionicom puta svakodnevno prolazi stotine dječaka i djevojčica koji pohađaju OŠ "Hašim Spahić". Mislim da bi ležeći policajac u

velikoj mjeri povećao sigurnost školaraca koji se kreću na ovom lokalitetu".

Odgovor: Inicijativa se ne usvaja iz razloga što postoji urađen trotoar duž ograde gradske džamije kojim je riješen pješački saobraćaj na tom dijelu ulice prema osnovnoj školi u Ilijašu, tako da nema potrebe za postavljanje prepreka ("ležećeg policajca") na gradskoj saobraćajnici.

SELMA BARIĆ - vijećnica SDP

Inicijativa 1: "Pokrećem inicijativu za sanaciju fekalne kanalizacije u Sovrlama. Pokrećem inicijativu za sanaciju fekalne kanalizacije na zadnjem dijelu sela Sovrle, idući putem iz Ilijaša. Tačnije ispod kuće Salošević Mirzeta i Nezire. U privatnom vlasništvu je došlo do istjecanja fekalnih voda, što je dovelo do neugodnog mirisa u većem dijelu sela, te prouzrokovalo loše stanje na privatnom vlasništvu, uništivši veći dio, jer se stvorio potok od tih fekalnih voda. Molim vas da se što prije nešto riješi po ovom pitanju".

Odgovor: U prilogu je odgovor koji je pristigao iz JKP "Vodostan" d.o.o. Ilijaš.

Inicijativa 2: "Pokrećem inicijativu za postavljanje punkta za plaćanje računa za komunalije. Obrazloženje: Veliki broj građana smatra kako bi im postavljanje punkta olakšalo plaćanje računa, tj. izmirenje obaveza prema javnim komunalnim ustanovama/preduzećima".

Odgovor: Inicijativa je pokrenuta u ranijem periodu, ali još nije došlo do realizacije od strane nadležnog Ministarstva.

Inicijativa 3: "Pokrećem inicijativu za sanaciju zgrade A1 (ulica 126. Ilijaške brigade broj 90). Pokrećem inicijativu za sanaciju zgrade A1 i to posebno srednjeg dijela zgrade (koji se vidi na fotografijama u prilogu) gdje su vidljiva značajnija oštećenja zgrade, a u blizini je i dječiji park, te JU Vodostan, te je samim tim velika frekvencija građana i postoji opasnost obrušavanja iste što bi uveliko ugrozilo sigurnost svih stanovnika/prolaznika.

Odgovor: Obaveza održavanja fasada na stambenim zgradama regulisana je Zakonom o upravljanju zajedničkim dijelovima zgrada ("Službene novine Kantona Sarajevo", broj: 19/17 17/18), prema kojem je obaveza svih stanara putem upravitelja. Članom 29. stav 2. točka f. Navedenog Zakona također je definisano šta su hitne popravke i kad se poduzimaju, a to je između ostalog kada se utvrdi da dijelovi maltera, fasadnih obloga i drugih elemenata fasade i krova ugrožavaju sigurnost ljudi i imovine. Shodno članu 41. Zakona, obavezu otklanjanja ovih kvarova ima upravitelj, te je ova inicijativa prosljeđena "Sarajevostan" d.o.o. Sarajevo.

ALAN ŠERAK - vijećnik SDP-a

Inicijativa: "Podnosim inicijativu da nadležni inspektor ponovo izađe na teren u naselju "Ulištovići" MZ Ljubina i u skladu sa svojim ovlaštenjima prinudno obustavi izgradnju vlastitog rezervoara korisnika Ivanić Gordane. Obrazloženje: Dana 15.10.2020. godine izvršen je inspekcijski nadzor od strane urbanističko-građevinskog inspektora Općine Ilijaš koji je tom prilikom naložio obustavljanje radova na izgradnji vlastitog rezervoara koji nije u skladu sa Uredbom o opštim uslovima za snadbijevanje vodom za piće, obradu i odvođenje otpadnih i atmosferskih voda Kantona Sarajevo ("Sl. novine Kantona Sarajevo", broj 22/16) obzirom da se korisnik oglašio o nalogu nadležnog inspektora, podnosim inicijativu da isti ponovo izađe na teren i uvaži navedenu inicijativu".

(Prilog: obavještenje komunalnog inspektora; molba predsjednika Savjeta MZ Ljubina od 19.04.2021. godine; molba predsjednika Savjeta MZ Ljubina od 10.09.2020. godine).

Odgovor: Što se tiče bazena na privatnom zemljištu Ivanić Gordane urbanističko-građevinski inspektor je izdao rješenje o obustavi radova na što se investitor žalio drugostepenom organu koji je odbio žalbu, ali je Ivanić Gordana pokrenula upravni spor na sudu protiv drugostepenog rješenja. Očekuje se da će sud ubrzo donijeti presudu tako da će se postupak nastaviti dalje.

DENIS DILBEROVIĆ - vijećnik SDA

Inicijativa 1: "Pokrećem inicijativu prema KJP "Sarajevo-šume" da se izvrši prokres puta na relaciji Čevljanovići-Gajevi, Gajevi-Dragoradi, Gajevi-Vrutci, Raskršće-Udrabi-Gajine-skretanje za Kruševo i dio puta kroz Sudiće. Molim vas da na navedenim dionicama izvršite prokres i sječú niskog rastinja zbog preglednosti puteva i sigurnosti saobraćaja na navedenim pravcima".

Odgovor: Vijećnička inicijativa je dostavljena KJP "Sarajevošume" d.o.o. Sarajevo i do slanja materijala nije pristigao odgovor.

Inicijativa 2: "Pokrećem inicijativu za postavljanje saobraćajne signalizacije na području Mjesne zajednice Gajevi i Dragoradi".

Odgovor: Saobraćajna signalizacija i oprema će biti tretirana u toku redovnog održavanja puteva.

Inicijativa 3: "Pokrećem inicijativu da se izvrši sanacija makadamskog puta Vrutci-Rakova Noga-Sirovine".

Odgovor: Izvršen je terenski obilazak i urađen predmjer i predračun radova, realizacija se očekuje do kraja tekućeg mjeseca.

Inicijativa 4: "Pokrećem inicijativu da se uradi rasvjeta u MZ-e Gajevi, naseljeno mjesto Vukasovići, tačnije Raštevica, cca pet sijaličnih tijela".

Odgovor: U ovoj godini planiranom raspodjelom za nadogradnju, proširenje i izgradnju javne rasvjete na području Općine Ilijaš, na predmetnom lokalitetu, u MZ Gajevi, planirana je izgradnja nove javne rasvjete sa početnih 5 (pet) rasvjetnih tijela, koji su prestavnici savjeta MZ kandidovali kao prioriteta. U fazi je priprema tenderske dokumentacije za izgradnju javne rasvjete u općini Ilijaš po MZ-ma.

ALEN ARNAUTOVIĆ - vijećnik SDA

Inicijativa: "Pokrećem inicijativu prema nadležnim općinskim službama za postavljanje znakova i putokaza u neposrednoj blizini OJ Dom zdravlja Ilijaš i punkta Hitna pomoći u užoj gradskoj jezgri. Obrazloženje: U užoj gradskoj jezgri, u neposrednoj blizini OJ Dom zdravlja Ilijaš i punkta Hitne pomoći KS, ne postoji niti jedan znak koji bi usmjeravao građane na lokacije Doma zdravlja i Hitne pomoći. Mislim da je ovo od velike važnosti, jer građani vrlo često ne znaju lokaciju punkta Hitne pomoći zbog neadekvatnog obilježja".

Odgovor: Saobraćajna signalizacija i oprema će biti tretirana u toku redovnog održavanja puteva.

KENAN HASIĆ - vijećnik SDA

Pitanje 1: "U kojoj fazi se nalaze radovi na izgradnji nove podstanice za vodu u naselju Kadarići? Pitanje postavljam jer naselje Gornji Kadarići ostaju bez redovnog vodosnadbijevanja jer podstanica nije u funkciji.

Odgovor: Pribavljene sve saglasnosti, izdato odobrenje za građenje, izgrađena pumpna stanica, plaćeni su troškovi priključka na elektro mrežu i očekujemo da nadležna Elektro distribucija izvrši priključenje. Formirana je komisija za upotrebnu dozvolu i potom slijedi puštanje pumpne stanice u funkciju.

Pitanje 2: "Kada je planiran nastavak radova na regionalnoj cesti Stari Ilijaš-Malešići? Radovi trenutno ne traju tj. gradilište je prazno, a lokalno stanovništvo zbog velike količine prašine nije u mogućnosti da funkcioniše normalno. Smatram da su uslovi za rad ispunjeni, te da radovi mogu početi već danas.

Odgovor: Potpisan je pojedinačni "Ugovor II za radove", na osnovu Okvirnog sporazuma o

rekonstrukciji regionalne ceste R445 i očekujemo da Direkcija za puteve Kantona Sarajevo uvede Izvodžaća radova na trasu.

Inicijativa: "Pokrećem inicijativu za uklanjanje truhlog drveća (stabala) u centru Ilijaša (MZ Ilijaš Grad) u ulicama: Hašima Spahića (preko puta GRAS-ove stanice); u parku preko puta BINGA (zgrada kod stana gospodina Aziza Fazlića). Obrazloženje: Truhlo drveće ugrožava sigurnost građana, te postoji šansa o stvaranju materijalne štete ukoliko se drvo obruši".

Odgovor: Predmetno prosušeno i suho parkovsko drveće je davno čak i ponovljenim rješenjem Služba za saobraćaj, stambeno-komunalne poslove i građenje općine Ilijaš predviđeno za uklanjanje i dat je nalog za sječu KJKP "RAD" d.o.o. Sarajevo, radna jedinica Ilijaš da ukloni pomenuta stabla. Napominjemo da problem predstavlja prosušena i suha parkovska stabla koje se nalaze u blizini nadzemnih elektro, telefonskih i drugih instalacija kao i drveće u samoj blizini stambenih objekata za čije uklanjanje je potrebno vozilo sa korpom koje KJKP "RAD" nije umogućnosti obezbjediti zbog manjka vozila i zauzetosti istih na nivou samog Kantona. Dobili smo uvjerenje da dolaskom vozila sa korpom KJKP "RAD" će ukloniti i napred pomenuto kao i drugo parkovsko drveće za koje postoji isti problem da bi se uklonila.

ADNAN ABADŽIJA - vijećnik NIP-a

Pitanje: "Kroz pitanja kolege Hasića, a znam da je podnio inicijativu za postavljanje ograde uz obalu rijeke Rače do škole u Srednjem", a ja bih postavio pitanje: "Da li je ugovorom bilo predviđeno da se ta ograda planira (postavi) u projektu kada je rađen podzid do rijeke Rače? Možda je planirano, a nije urađeno jer se čekalo asfaltiranje. Znači da se provjeri, kao što je urađeno daljnjim tokom, nizvodno rijekom Račom. Djeca su krenula u školu i sa jedne strane je ograda postavljena, a sa druge strane nema ništa".

Odgovor: Projektom uređenja korita rijeke nije bila predviđena izgradnja ograde.

NAPOMENA: U prilogu je odgovor na vijećničku inicijativu koji je pristigao iz JKP "Vodostan" d.o.o. Ilijaš, Zapisnik sa sastanka građana naselja Moševići i Molba za uklanjanje devet stabala.

Služba za saobraćaj,
stambeno-komunalne poslove i građenje



JKP Vodostan d.o.o. Ilijaš

Žiro račun br.: 160200000096150 kod Vokufske banke
126 Brigade 60, 71380 Ilijaš, Tel/Fax: 033 400 740, Tel: 033 400 024

e-mail: jkp.vodostan@gmail.com
info@vodostan.ba
Br.Rj.: 065-D-Reg-14-003778
PDV ID: 200171710000
ID: 4200171710000
www.vodostan.ba

Broj: 1249 /21
Ilijaš, 08.06.2021 god.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
Služba za privredu i finansije

Bosna i Hercegovina
Federacija Bosne i Hercegovine
Kanton Sarajevo
Općina Ilijaš

Primljeno	09.06.2021	Broj prijema
Org. jedinica	04	

U vezi sa vijećničkim pitanjima i inicijativama sa 6. sjednice OV Ilijaš, održane 27.05.2021 godine dostavljamo:

ODGOVOR NA VIJEĆNIČKU INICIJATIVU

Vijećnik – Selma Barić, vijećnik SDP-a

Inicijativa : "Pokrećem inicijativu za sanaciju fekalne kanalizacije u Sovrlama. Pokrećem inicijativu za sanaciju fekalne kanalizacije na zadnjem dijelu Sovrla , idući putem iz Ilijaš. Tačnije ispod kuće Salošević Mirzeta i Nezire. U privatnom vlasništvu je došlo do istjecanja fekalnih voda, što je dovelo do neugodnog mirisa u većem dijelu sela, te prouzrokovalo loše stanje na privatnom vlasništvu, uništivši veći dio, jer je stvorio potok od tih fekalnih voda. Molim vas da se što prije nešto riješi po ovom pitanju."

Odgovor:

Postupajući po Vašoj inicijativi i izlaskom na lokaciju te uvidom u radne naloge Preduzeća utvrđeno je da je navedeno začepljene kanalizacije ispred objekta Salošević Mirzeta iz Sovrla riješeno prije mjesec dana i ista je u funkcionalnom stanju.

S poštovanjem,

Dostaviti:

1 x Naslovu
1 x a/a



Broj certifikata: HR008187

ZAPISNIK SA SASTANKA UČESNIKA SELA MOŠEVIĆI

DATA 17.10.2020.

DNEVNI RED

1. RAZMATRANJE I USVAJANJE PRISTOJACA AKTIVNOSTI ZA REALIZACIJU PROJEKTA ODOBRENIM OD STRANE OPĆINE ILIJAŠ

Ad1 ALHODIN MALIŠEVIĆ IZNIO JE HISTORIJU APLICIRANJA PROJEKTA SELA MOŠEVIĆI U PROŠLOSTI, TE IZNIO PRISTOJAC RADOVA KODE KI TREBAO REALIZIRATI U OKVIRU ODOBRENOS PROJEKTA.


Ad2 AIDA MALIŠEVIĆ POSTAVILA JE PITANJE PRECIZIRANJA RADOVA KOJE TREBA URAOTI, TE IZNIO MJEŠTANJE DA SE ~~SE~~ NE SLAŽE SA ~~NE~~ OZVELOŽENI PRELOŽENIH RADOVA VEZANIH ZA IZGRADNJU (PROJEKTA) DITELA PUTA DOK SE SLAŽE ZA DIO RADOVA VEZANIH ODVOO OBGRANIKIH YODA.

Ad3 ADMIR ČEHARIĆ JE OBJASNILO KAKO SU TEKLI RADOVA DOKOVOR SA OPĆINOM, TE KOMUNIKACIJA MJEŠTANJE SA OPĆINOM.

Ad4 ALMIN MALIŠEVIĆ JO IZNIO SVUJE MJEŠTANJE DA JE POTROŠNO NAPRAVITI LISTU PRELOŽENIH ZA RADOVA U MJEŠTANOM PEMAOLU

Kao Rezime donosona je odluka da se izvede radovi
 uređenje, nasipanja puta i postavljnja kaničica na gluvine
 otpadne vode od ORAHA DO Ispod MEKOTA ^{LITEVOM STRANOM (GOARM)} GDE CE VODE BITI
 OSVEDENE ^{POSREDOVANJE} ~~POSREDOVANJE~~ UPUTU VODA, TE UREĐENJE I SNAGOTA PUTA,
~~POSREDOVANJE KANIČICA OD MEKOTA, KAZ SELO, Ispod MUSTATINE~~
~~KUCO DO POSREDOVANJE GDE CE SE SNAGOTA I POSREDOVANJE~~
~~POSREDOVANJE KANIČICA, I POSREDOVANJE UPUTU TAKODER DOPOSREDOVANJE~~
 TE DA SE OD PREOSTALIH SREDSTVA IZVRSI POSREDOVANJE
 PUTA RADI UKLJUCIVANJA NACISA TE POSREDOVANJE SVIB POTREBNIH
 RADOVA U OBLASTI OSPODA PRAVINSKIH VODA, TE UTVRDI ZA
 DVA PRELOZA U KUTARU.

MAHAR MAJSEVIC

ZAPISNIK


Bosna i Hercegovina
Federacija Bosne i Hercegovine
Kanton Sarajevo
Općina Ilijaš
MZ Srednje

POSREDOVANJE U PROMETU NEPOKRETNOSTI
ZA GOSPODARENJE DRŽAVNIM ŠUMAMA
"SARAJEVO-ŠUME" d.o.o.
SARAJEVO
Datum:
Broj:
23. 09. 2020. god.

Broj: 02/03-IX-49-9740
Datum: 22.9.2020. godine

KJP „Sarajevo-šume“ d.o.o.
Maršala Tita 7/II
Sarajevo
n/r g. Nermin Demirović, DIREKTOR

PREDMET: Molba za uklanjanje devet stabala

Poštovani,

Na području MZ Srednje, u naselju Moševići, na seoskom putu koji prolazi kroz odjel 24 a koji spaja donji i gornji dio naselja, nekoliko stabala smrče (devet stabala), prsnog prečnika 30-50cm, ugrožava živote mještana koji svakodnevno prolaze tom dionicom.

Naime, stabla se nalaze na škarpi puta i obzirom da rastu na kamenitom zemljištu i da su blago nageta, predstavljaju ozbiljnu opasnost po prolaznike. Pitanje je vremena kada će doći do padanja stabala i dovesti do neželjenih posljedica.

Imajući u vidu navedeno, molimo da se što je moguće prije, izvrši sječenje i odvoz stabala.

Realizacijom navedene aktivnosti, korist će imati lokalno stanovništvo i KJP "Sarajevo-šume" d.o.o.

S poštovanjem,

Dostaviti:

- naslovu,
- a/a.



Predsjednik savjeta MZ Srednje

Adis Karavdić